

A publicación do Decreto 183/2013, do 5 de decembro, polo que se crea a Rede Galega de Atención Temperá, significou un punto de inflexión na consideración da Atención Temperá. Dende o 2 de Setembro de 2019 os concellos de Salceda de Caselas e As Neves, contan cun servizo de atención temperá no seu concello. A fin de entender que é e quen pode acudir, resolvemos dúbidas xerais.

Que é a Atención Temperá?

Enténdese a atención temperá como un conxunto de intervencións dirixidas á poboación infantil de 0 a 6 anos, á súa familia e ao seu contorno, e que ten por obxectivo dar resposta o antes posible ás necesidades transitorias ou permanentes que presentan os nenos e as nenas con trastornos no desenvolvemento ou en risco de padecelos, para facilitar o desenvolvemento da súa autonomía persoal e a inclusión social.

A quen se dirixe a Atención Temperá?

Aos nenos e nenas de 0 a 6 anos con trastorno do desenvolvemento ou en situación de risco de padecelos, ás familias e á contorna empadroados no Concello de Salceda de Caselas ou As Neves.

Quen pode informar dunha sospeita de trastorno de desenvolvemento nun neno?

As propias familias, as escolas infantís, os servizos sociais comunitarios ou outras instancias que traten co menor e coa familia.

No caso de que a sospeita sexa fora da familia, debe informarse á mesma para que acudan ao servizo de pediatría.

A onde debo dirixirme para obter mais información?

- Ao servizo de pediatría que derivará no caso de que considere a Unidade de AT.
- Aos servizos sociais dos concellos de Salceda de Caselas e As Neves.
- Aos servizos de orientación dos centros educativos nos que esté matriculado o neno ou nena.
- Ao servizo de atención temperá dos Concellos de Salceda de Caselas e As Neves, chamando o teléfono **680.400.979**, atenciontemprana.salceda@aceesca.com ou acudindo a:

* Centro de Servizos Sociais (Rúa de Compostela 6, 36470, Salceda de Caselas).

* Centro de Servizos Sociais (Rúa Marquesa do Pazo, 22, 36440, As Neves).

Atentamente, o equipo de Atención Temperá do Concello de Salceda de Caselas e As Neves.